

AVP a pone e proyecto di Centro Orthopedagogico drumi den lachi pa casi 10 Aña



E Centro Orthopedagogico ta un instancia cu ta habri desde 16 di februari 2006. E obhetivo di un Centro Orthopedagogico ta pa por medio di guia adecua y adapta habri porta pa oportunidadnan positivo y alabes mantene e hoben leu di delincuencia. E cantidad di hoben cu ta drenta den contacto cu husticia pa mas cu 3 aña ta mas cu 30.

E Centro Orthopedagogico actualmente ta consisti di un “open” afdeling caminda hobennan ta haya guia (ex Cas pa Hubentud). Tambe un “besloten” afdeling esta parcialmente sera caminda hobennan ta haya tratamento (Esaki t’e prome fase na Tarabana). Den futuro lo habri tambe un “gesloten” afdeling caminda

nan lo ricibi terapia. Pues e hobennan di e afdeling parcialmente sera lo ta personanan cu patronchi di comportacion mas dificil, tin biaha te hasta violento. P’esey tambe e afdeling aki ta rekeri un edificio diferente y tambe un otro tipo di training p’e personal cu lo traha eyan. No t’asina cu tur hoben cu ta bin en contacto cu husticia lo tin e posibilidad di wordo interna den e Centro Orthopedagogico lo tin hobennan cu nan delito lo ta di tal indole cu tog nan lo mester bai ta cera den KIA.

Pronto lo ubica 2 hoben n’e ‘besloten afdeling’ di e Centro Orthopedagogico na Tarabana. Manera menciona anteriormente pa ubica hobennan den e afdeling parcialmente sera na

Tarabana esaki mester sosode di un forma responsabel considerando e situacion di e hoben.

Den cuadro di e pensamento aki a traha riba e apertura di e parti parcialmente sera di e centro garantizando un bon nivel di e guianan cu lo traha cu e hobennan. Esaki a nifica cu e personal a sigui cursonan p’asina por garantisa un bon guia p’e hobennan y pa salvaguarda e seguridad di e hobennan di nan mes.

E guiadornan a termina casi tur e cursonan esencial y lo keda tuma algun curso mas. P’e motibonan aki, e.o. ainda no a ubica ningun hoben den e afdeling parcialmente sera na

Tarabana. Ademá pa traha di un forma responsabel tabata necesario pa prepara e caminda pa tin personanan capacita cu por maneja e centro, cu tambe por duna bon guia n’e leidsternan cu ta den e centro. T’asina cu dia 15 di februari proximo lo tin e directora na lugar y asina lo por habri e parti parcialmente sera di e Centro Orthopedagogico. Mester menciona tambe cu actualmente ta remodelando e klooster na Noord cu lo habri e posibilidad pa ubica 18 hoben pa e afdeling caminda hobennan ta ricibi guia.

E campo social pa hopi tempo

a expresa serca Gobierno e necesidad pa habri un Centro Orthopedagogico particularmente despues cu nos hobennan no por a bai mas na G.O.G. Corsow. Gabinete Eman I & II a ignora e gritonan aki p’e tipo di servicio social aki y a pone e proyecto aki den lachi durante nan gobernacion. Gobierno di MEP cu ta Social Demócrata y cu ta atende dolornan di pueblo a duna e proyecto aki atencion y prioridad y p’esei a logra di realisa e centro aki contrario na loke AVP ainda ta grita pa trece mal entendimento bao pueblo, según un comunicado di parti di Minister drs. Marisol Lopez-Tromp.

Tabla 2: Delitonan mas Comun bao hobennan

	2004	2005	2006
Robo	13	20	27
Robo cu violencia	10	11	3
Robo arma		3	
Violencia Publico	10	6	11
Menasa cu arma	7	6	8
Intento di Asesinato		4	12
Participacion den crimen organisa			11
Complice den delito cu a causa morto			9